

Ingerlatseqatigiiffimmik pitsaasumik
aqutsinissamut Innersuussutit pillugit
nassuiaatinut skema

*Grønlands***BANKEN**

Nassuiaatinut skema – januar 2021-imeersoq

”Maliguk imaluunniit nassuiarlugu”

Ukiumoortumik naatsorsuutit pillugit inatsimmi § 107 b naapertorlugu, ingerlatseqatigiiffik, niuerfimmi malittarisassaqtumi niuernissamut aktiaateqarfiusumi, aqutsisut nalunaarutaanni suliffeqarfiup aqunneqarnera pillugu nassuiaammik ilanngussisassaaq.

Tamanna isumaqarpoq, GrønlandsBANKEN-ip nalunaarutigisassagaa, innersuussutit sorliit ingerlatseqatigiiffiup malissallugit imaluunniit saneqqutissallugit toqqarsimanerai. Ingerlatseqatigiiffiit nassuiaataat innersuussutinut tamanut immikkut oqaaseqaertassaaq, innersuussut malinneqarnera imaluunniit malinneqannginnera apeqquataatinnagu.

Ukiumoortumik naatsorsuutit pillugit inatsimmi § 107 b, imm. 1, nr. 3-mi allassimavoq, GrønlandsBANKEN-ip aningaaseriviup innersuussutit malissanagit aalajangersimaguni pissutaasut allattassagai. GrønlandsBANKEN-ip paasissutissiissutigisavaa, innersuussut pineqartoq sooq malinneqannginnera, taarsiullugulu qanoq aaqqiisoqarsimangersoq.

Tamanna isumaqarpoq, aningaaseriviup innersuussut malingippagu, nassuiarluguli taarsiullugu sooq qanorlu aningaaserivik aaqqiisimangersoq, taava ingerlatseqatigiiffik innersuussummik eqqortitsisutut isigineqartarmat.

Nassuiaatip ersersissavaa piffissami naatsorsuusiorkarfiusumi aqutseriaaseq atuuttoq. Ukiup ingerlanerani imaluunniit piffissami naatsorsuutit naammassineqarnerini annertuumik allannguuteqartoqarpat, ingerlatseqatigiiffimmik pitsaasumik aqutsinissaq pillugu nassuiaammi nassuiarneqartariaqarput.

Pingaaruteqarpoq, aningaaseriviup innersuussutit tamarluinnaasa oqaaseqarfiginissai kiisalu nalunaarusiornissai, taamaasilluni aningaasaliisussanut allanullu soqutigisaqartunut erseqqissammat, aningaaserivik innersuussutinut ataasiakkaanut qanoq isummersimangersoq.

Nassuiaammi pineqarpoq piffissaq naatsorsuusiorfiusoq **01.01.2024-mit 31.12.2024-mut**

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
1. Ingerlatseqatigiiffimmi aktiaatillit, aningaasaliisartut aamma soqutigisallit allat sunniivigeqatiginerat			
1.1. Aktiaatilinnik, aningaasaliisartunik soqutigisalinnillu allanik oqaloqateqarneq			
1.1.1. Ataatsimiititaliap innersuussutigaa, aqutsisut aktiaatilinnut, aningaasaliisartunut allanullu soqutigisalinnut ingerlaavartumik oqaloqateqartarnikkut ingerlatseqatigiiffimmi pissutsinik naleqquttumik paasisimasaqarnissaat qulakkiissagaat, kiisalu siulersuisut sulinerminnut ilisimasaqarnissaat isummaminnillu ilanngussisarnissaat periarfissaassasoq.	Aningaaserivimmi aktiaatilinnut atortussat GrønlandsBANKEN-ip nittartagaani nassaarineqarsinnaapput. Tamatuma saniatigut Qullersaqarfiup aktiaatillit saaffiginnissutaat tigummivai. 2023-mi aningaaserivik H.C. Andersen Capital suleqatigalugu "Pappilissanut nalilinnut ilisarititsineq" pillugu unnussuaartitsivoq.		
1.1.2. Ataatsimiititaliap innersuussutigaa, ingerlatseqatigiiffik aktiaatilinnut, aningaasaliisartunut immaqalu allanut soqutigisalinnut	Periusissiatut pilersaarut aningaaseriviup soqutigisalinnut		

¹ Innersuussut malinneqanngippat, ingerlatseqatigiiffiup nassuiassavaa, *sooq* innersuussuut malinneqannginnersoq, *qanorlu* ingerlatseqatigiiffik allatut aqqiisimanersoq. Nassuiaat naammaginarpoq apeqqutinik tamanik akisissaaq, akissullu innersuusummik eqquutsitsisutut inissiissalluni. Taamaattumik pingaaruteqarpoq, ingerlatseqatigiiffip nassuiaanermi apeqqutit tamaasa akissagai.

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
atassuteqarnermut politikkinik suliaqassasoq, tamatumani qulakkeerniarlugu, soqutigisat assigiinngitsut ingerlatseqatigiiffiup isumaliutersuutaanni ilaassasut, politikkillu taamaattut ingerlatseqatigiiffiup nittartagaani tigorianaanngorneqassasut.	atassuteqarneranut najoqqutassaavoq. Tamatuma saniaatigut attaveqatigiinnermut periusissiamik aamma aningaasaliisartunut atassuteqarnermut politikkimik kiisalu CSR pillugu politikkimik akuersissuteqartoqarnikuuvoq, aningaaseriviup aningaasaliisartuinik soqutigisalinnullu allanik peqataatitsisunik.		
1.1.3. Ataatsimiititaliap innersuussutigaa, ingerlatseqatigiiffik kvartalikkaartumik nalunaarutininik saqqummiussisassasoq.	Aningaaserivik aningaaserinerminni ullorsiuutini malillugit kvartalikkaartumik nalunaarutininik saqqummiussisarpoq.		
1.2. Ileqquusumik ataatsimeersuarneq			
1.2.1. Ataatsimiititaliap innersuussutigaa, siulersuisut ingerlatseqatigiiffiup ileqquusumik ataatsimeersuarnera ima aaqqissuuttassagaat, aktiaatillit, ileqquusumik ataatsimeersuarnermi takkullutik peqataasinnaangitsut imaluunniit sinniisoqarsinnaangitsut, ileqquusumik ataatsimeersuarneq sioqqullugu imaluunniit ileqquusumik ataatsimeersuarnermi taasisinnaangorlugit imaluunniit aqutsisunut apeqquteqarsinnaangorlugit. Ataatsimiititaliap innersuussutigaa, siulersuisut qulakkiissagaat ileqquusumik ataatsimeersuarnermut	Aningaaserivik aningaasaliisartunut portalimik pilersitsinikuuvoq taamaalillutik ileqquusumik ataatsimeersuarnermut malinnaasoqarsinnaavoq aammattaaq webcastikkut imaluunniit digital transmittering alla atorlugu		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
webcast imaluunniit digitaliusumik allatut nassitsisarneq alla atorlugu aktiaatillit malinnaasinnaaissaat.	qinerseqatassinnaallutillu apeqquateqaasiorsinnaalerlutik.		
1.2.2. Ataatsimiititaliap innersuussutigaa, aktiaatillit pinnaatitsissutigut imaluunniit allakkatigut taasinikkut ileqquusumik ataatsimeersuarnermut atorneqartutigut ullormi oqaluuserisassani immikkoortut tamarluinnaasa isummerfigisinnaassagaat.	Aktiaatillit aningaaserivip piginnaatitsinermit allakkiaani ullormi oqaluuserisassani immikkoortut tamarluinnaasa isummerfigisinnaavaat.		
1.3. Tigusinissamut misiliineq			
1.3.1. Ataatsimiititaliap innersuussutigaa, ingerlatseqatigiiffik tigusinissamut misiliinernut upalungaarsimanermit ingerlariuseqassasoq, tigusinissamut neqeroorummik saqqummiussisoqarpat, imaluunniit siulersuisut tunngavilersukkamik ilimagippassuk tigusinissamut neqeroorummik saqqummiussisoqassasoq pissutsinut "ingerlaasissatut pilersaarummik" siulersuisut isumaliutigisassaannik isummerfigisassaannillu imaqartumik. Tamatuma saniatigut innersuussutigineqarpoq, ingerlariussami ersersinneqassasoq, siulersuisut ileqquusumik ataatsimeersuarnermi akuerineqanngitsumik, tigusinissamut misiliinermik, aktiaatillit tigusinissamut neqeroorummut isummernissaannut akornusiinarfiusumik aalajangiinernik akuersiniartoqassanngitsoq.	Tigusinissamut misiliinert aktiaatilinnut saqqummiunneqassapput. Siulersuisut najoqqutassiatut imarisanik ilisimatinneqassapput kiisalu neqeroorutip imarisai apeqquataallutik aningaaserivik avataani siunnersortink ujartuissaaq. Siulersuisut ileqquusumik ataatsimeersuarnermi akuersissutigineqartinnagu tigusinissamut misiliineq akuersissutiginiassanngilaat.		
1.4. Inuiaqatigiinnut eqqarisanut atassuteqarneq			
1.4.1. Ataatsimiititaliap innersuussutigaa, ingerlatseqatigiiffiup inuiaqatigiinnut akisussaaffeqarnera pillugu politikimik siulersuisut akuersissuteqassasut, matuma ataani inuiaqatigiinnut akisussaaffeqarnermut aamma piujuartitsinermit, kiisalu politikki	GrønlandsBANKEN inuiaqatigiinnut akisussaassuseqarneq pillugu politikimik (CSR)		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
aqutsisut nalunaarutaanni aamma/imaluunniit ingerlatseqatigiiffiup nittartagaani pissarsiarineqarsinnaassasoq. Ataatsimiititaliap innersuussutigaa, siulersuisut nakkutigissagaat politikki malinneqarnerseq.	pilersitsinikuuvoq, taanna aqutsisut nalunaarutaanni qupperneq 32 ff-imi nassuiarneqarpoq.		
1.4.2. Ataatsimiititaliap innersuussutigaa, siulersuisut akileraartarnermut politikkimik akuersissuteqassasut, ingerlatseqatigiiffiup nittartagaani pissarsiarineqarsinnaasussamik.	Aningaaserivik akileraartarnermut politikkimil pilersitsinikuuvoq, tamanna aningaaseriviup nittartagaani takuneqarsinnaavoq		
2. Siulersuisut suliassaak akisussaaffiilu			
2.1 Suliassat akisussaaffiillu pingaarnert			
2.1.1. Ataatsimiititaliap innersuussutigaa, siulersuisut, ingerlatseqatigiiffiup ileqqoreqqusatigut siunertanik kiisalu siunissaq ungasinnerusoq eqqarsaatigalugu naleqartunik pilersitsinissamik tapersersuinnermut atatillugu, ingerlatseqatigiiffiup siunertaanut isummissasut kiisalu ingerlatseqatigiiffimmi kulturimik pitsaasumik pingaartitanillu pitsaasunik qulakkeerinnissasut siuarsaassasullu. Ingerlatseqatigiiffik tamanna pillugu aqutsisut nalunaarutaanni aamma/imaluunniit ingerlatseqatigiiffiup nittartagaani nassuiaasariaqarpoq.	Siulersuisut ilaatigut aningaaserivimmut periusissiamik aamma niuernermit ilusiliamik akuersissuteqartarput, aningaaseriviup siunertaanik, takorluugaanik pingaartitaanillu kiisalu suliffeqarfimmi peqqinnartumik kultureqarneq pillugu politikkimik tunngaveqartunik. Aningaaserivimmi aqutsisut nalunaarutaanni		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
	nassuiarneqarput aningsaaseriviup siunissaq ungasinnerusoq eqqarsaatigalugu naleqartunik pilersitsinissaq pillugu siuarsaanissamut ilungersuutai aamma aningsaaseriviup naleqartitai, piujuartitsinera, CSR-imi suliniutai kiisalu aningsaaseriviup inuiaqatigiinnut akisussaaqataanera.		
2.1.2. Ataatsimiititaliap innersuussutigaa, siulersuisut ikinnerpaamik ukiumut ataasiarlutik oqallisigisassagaat ingerlaavartumillu malittareqqittassagaat ingerlatseqatigiiffiup periusissiami anguniagai pingaarnerit, ingerlatseqatigiiffimmi naleqartunik pilersitsinissaq qulakkeerniarlugu.	Aningsaaseriviup periusissiaa niuernermilu ilusiliaa minnerpaamik ukiumut ataasiarluni nalilersorneqartarput.		
2.1.3. Ataatsimiititaliap innersuussutigaa, siulersuisut ingerlaavartumik nakkutigisassagaat, ingerlatseqatigiiffik aningaasaqarnerup aamma aktiaatit ilusilersugaanerannik, periusissiamik siunissarlu ungasinnerusoq eqqarsaatigalugu naleqartunik pilersitsinissamik, ingerlatseqatigiiffimmut aktiaatilinnullu soqutiginarumik tapersuisunik peqarnerisoq. Ataatsimiititaliap innersuussutigaa, ingerlatseqatigiiffiup tamanna aqutsisut nalunaarutaanni nassuiartassagaat.	Aningsaaseriviup aningsaasaqarnerata ilusilersugaanera ukiut tamaasa nalilersorneqartarpoq, tamannalu pillugu isumaliutersuutit aqutsisut nalunaarutaanni ilaasarput.		
2.1.4. Ataatsimiititaliap innersuussutigaa, siulersuisut qullersaqarfirmut malittarisassanik suliaqassasut taakkulu	Siulersuisuni pissutsit siulersuisut suliaanut malittarisassaani nassuiarneqarput, tamatumani		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
ukiumoortumik misissortassagaat, matuma ataani siulersuisunut nalunaarusiornissamut piunasaqaatitaqartut.	piunasaqaataavoq § 70-imik maleruagassamik qullersaqarfimmu malittarisassanik nassuiaasumik suliaqarnissaq.		
2.2. Siulersuisunut ilaasortat			
2.2.1. Ataatsimiititaliap innersuussutigaa , siulersuisut siulittaasup saniatigut siulittaasumut tullersorteqassasut, siulittaasup pinnaannginnerani taartaasinnaasumik allatigullu siulittaasumut qanimut siunersieqataasinnaasumik.	GrønlandsBANKEN siulittaasumik siulittaasullu tullianik toqqaanikuupput.		
2.2.2. Ataatsimiititaliap innersuussutigaa , siulittaasup siulersuisunut ilaasortat ataasiakkaat suleqatigalugit qulakkiissagaa, ilaasortat pissutsit attuumassuteqartut pillugit ilisimasatik nutarsartarlugillu ilaartortassagaat, ilaasortallu immikkut ilisimasaat piginnaasaallu sapinngisamik pitsaanerpaamik atorineqassasut.	Siulersuisunut ilaasortat tamarmik siulersuisut ilinniakkamik ingerlataqartarput. Tamatuma saniatigut siulersuisunut isumasioqatigiinnerit ukiut tamaasa ingerlanneqartarput. Siulersuisut aamma nassuiaatinut ilassutaasunut suliffeqarfiup iluani imaluunniit avataanit tapiissutaasunut malinnaasarput.		
2.2.3. Ataatsimiititaliap innersuussutigaa , siulersuisut qaqutiguuissumik siulersuisuni ilaasortaq ingerlatseqatigiiffimmi suliaassanik immikkut ittunik suliaqaqquppassuk, assersuutigalugu piffissami sivikitsumi ulluinnarni aqutsinermut peqataaqullugu, siulersuisut, siulersuisut attuumassuteqanngitsumik qullersatut aqutsineq nakkutiginninnerlu	Siulersuisuni ilaasortat ileqqusumik ataatsimeersuarnermi toqqarneqartut ingerlatseqatigiiffimmi		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarppaa</u> ¹	
		<i>sooq</i>	<i>Qanoq</i>
attatiinnarneqarnissaa qulakkeerniarlugu akuerseqqaartariaqarput. Innersuussutigineqarpoq, siulersuisuni ilaasortap ulluinnarni aqutsinermit tamatumalu sivirusissusissaa naatsorsuutigineqartoq pillugu aalajangiineq ingerlatseqatigiiffiup saqqummiutissagaa.	suliasanik immikkut itturnik suliaqarneq ajorput. kisiannili misissueqqissaartartut ataatsimiititaliaanni siulersuisoq aningaaseriviup ataatsimiititaliaanut ilaasortaavoq aningaaseriviup whistleblowerordningia aqqutigalugu nalunaarusiortarluni.		
3. Siulersuisut katitigaanerit, aqqissuussaaneq naliliinerlu			
3.1. Katitigaaneq			
3.1.1. Ataatsimiititaliap innersuussutigaa, siulersuisut ukiumoortumik misissortassagaat kiisalu aqutsisut nalunaarutaanni aamma/imaluunniit ingerlatseqatigiiffiup nittartagaani paasissutissiissutigisassagaat <ul style="list-style-type: none"> • Siulersuisut sulinerminnik sapinngisamik pitsaanerpaamik sulinerminnik naammassinissinnaassagunik ataatsimut inuttullu ataasiakkaatut piginnaasat suut pigisariaqarneraat, aamma • Siulersuisut katitigaanerit assigiinngisitaarnerallu. 	Tamanna pillugu nassuiaat aningaaseriviup nittartagaani nassaaerineqarsinnaavoq.		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
<p>3.1.2. Ataatsimiititaliap innersuussutigaa, siulersuisut ukiumoortumik oqallisigisassagaat ingerlatseqatigiiffiup suliai, tamatumani qulakkeerniarlugu ingerlatseqatigiiffimmi aqutsisuni qaffasissutsini assigiinngisitaarneq naleqquttoq kiisalu assigiinngisitaarnermut politikkimik akuersissuteqassasut, aqutsisut nalunaarutaanni aamma/imaluunniit ingerlatseqatigiiffiup nittartagaani atuarneqarsinnaasut.</p>	<p>Siulersuisut siulersuisuni aamma aningaaseriviup aqutsisuini allani assigiinngisitaarneq pillugu politikkimik kiisalu suaassuseq ikinaakkanik sinniisoqarnera pillugu politikkimik pilersitsinikuuvoq. Tamanna aningaaserivimmi aqutsisut nalunaarutaanni nassuiarneqarpoq.</p>		
<p>3.1.3. Ataatsimiititaliap innersuussutigaa, siulersuisunut qinigassanik pissarsiniarnermi peqqissaartumik suleriuseq, siulersuisunit akuerineqartoq malissagaat. Ataatsimiititaliap innersuussutigaa, siulersuisunut ilaasortassatut qinigassanik naliliinermi – inuttut piginnaasat piukkunnaatillu saniatigut – aamma atajuarnissamut, nutaaliornissamut assigiinngisitaarnissamullu pisariaqartitsineq ilaassasoq.</p>	<p>Siulersuisunut qinigassanik pissarsiniarnermi suleriuseq aalajangersimasoq malinneqartarpoq, aningaaseriviup piukkussaqaarnermut ataatsimiititaliaanit aalajangersarneqarpoq.</p>		
<p>3.1.4. Ataatsimiititaliap innersuussutigaa, ileqquusumik ataatsimeersuarnernut qaaqquusissut, ullormi oqaluuserisassanut siulersuisunut qinersinissaq ilaappat, inatsisini paasissutissat aalajangersagaasut saniatigut qinigassanngortitat pillugit makku nassuiassagaat</p> <ul style="list-style-type: none"> • piginnaasat, • suliffeqarfinni inuussutissarsiornermik ingerlatsisuni allani aqutsisuni atorfiit, aqutsisuni ataatsimiititaliat ilanngullugit, • aaqquissuussinermi suliat piumasaqaateqarfiusut aamma 	<p>Ileqquusumik ataatsimeersuarnermi qinersinermi qinigassat innersuunneqartarput CV paasissutissanik nassuiarneqartunik imalik tunngavigalugu innersuussisoqartarpoq.</p>		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarppaa</u> ¹	
		<i>sooq</i>	<i>Qanoq</i>
<ul style="list-style-type: none"> attuumassuteqannginneq. 			
<p>3.1.5. Ataatsimiititaliap innersuussutigaa, siulersuisunut ilaasortat ileqquusumik ataatsimeersuarnermi toqqarneqartut ukiut tamaasa ileqquusumik ataatsimeersuarnermi qinigassanngortittassasut, taakkulu immikkut qinigassanngortillutillu toqqarneqartassasut.</p>		<p>Aningaaserivimmi ileqqoreqqusani piumasaqaataavoq aningaaserivimmi siulersuisut ileqquusumik ataatsimeersuarnermi toqqarneqarsimasut affaanik ukiut tamaasa toqqaasoqartassasoq. ileqquusumik ataatsimeersuarnermi qinerneqartut tamarmik ataasiakkaarlutik qinigassanngorlutillu qinerneqassapput.</p>	<p>GrønlandsBANKEN ukiut tamaasa siulersuisunut qinersisarpoq, taamaasillutik siulersuisunut ilaasortat ileqquusumik ataatsimeersuarnermi qinerneqarsimasut affai qinigassanngortinneqartarput. Tamatumani eqqarsaatigineqarpoq atajuannarnissap qulakkeerneqarnissaani kiisalu siulersuisuni nutarsaanissamut periarfissaqarnermi oqimaaqatigiissitsineq.</p>
3.2. Siulersuisut attuumassuteqannginnerat			
<p>3.2.1. Ataatsimiititaliap innersuussutigaa, siulersuisuni ilaasortat ileqquusumik ataatsimeersuarnermi toqqarneqartut minnerpaamik affai attuumassuteqassanngitsut, taamaasillutik siulersuisut immikkut soqutigisat attuumassuteqarfiginagit iliuuseqartarsinnaassammata.</p> <p>Attuumassuteqannginnissamut pineqartoq:</p> <ul style="list-style-type: none"> ilaasorta q ingerlatseqatigiiffimmi, ingerlatseqatigiiffiup aqutaani imaluunniit ingerlatseqatigiiffimmi attuumassuteqarfigisami qullersaqarfimmi ilaasortaassanngilaq 	<p>Siulersuisunut ilaasortat ileqquusumik ataatsimeersuarnermi toqqarneqartut affai sinnerlugit attuumassuteqannginnissamut piumasaqaatinik naammassinnipput.</p> <p>Aningaaseriviup ukiumoortumik nalunaarutaani allassimavoq</p>		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarppaa</u> ¹	
		<i>sooq</i>	<i>Qanoq</i>
<p>imaluunniit aqutsisuni sulisuussanngilaq imaluunniit ukiut tallimat kingullit taama inissisimasimassanani,</p> <ul style="list-style-type: none"> • ukiut 5 kingullit iluani ingerlatseqatigiiffimmit/suliffeqarfissuarmit, ingerlatseqatigiiffiup aqutaanit imaluunniit ingerlatseqatigiiffimmi attuumassuteqarfiusumi siulersuisunut ilaasortatuunngitsoq allatut pissutsitigut annertunerusunik akissarsisimassanngilaq, • aktiaatilmmut aqutsisuusumut sinniisuussanngilaq imaluunniit attuumassuteqassanngilaq, • ukiup ataatsip iluani ingerlatseqatigiiffimmut, ingerlatseqatigiiffiup aqutaanut imaluunniit ingerlatseqatigiiffimmut attuumassuteqartumut, ingerlatseqatigiiffimmut aamma/imaluunniit niuernermit attuumassuteqartumut pingaarutilimmut niuernikkut attuumassuteqarsimassanngilaq (assersuutigalugu inuttut imaluunniit toqqaannanngitsumik suleqataasutut imaluunniit sulisutut, aktiaatilitut, sullitatut, pisiortorfittut imaluunniit assiguumik attuumassuteqartuni ingerlatseqatigiiffinni aqutsisuni ilaasortatut, • ingerlatseqatigiiffimmi ingerlatseqatigiiffiup kukkunersiuisumi ileqquumik ataatsimeersuarnermi toqqagaani atorfeqartuussanngilaq imaluunniit suleqataassanngilaq imaluunniit ukiut 3 kingullerni atorfeqarsimanani suleqataasimananilu, • ingerlatseqatigiiffimmi, ingerlatseqatigiiffiup aqutsisuisa paarlagiiffianni pisortaassanngilaq, • ukiut 12-it sinnerlugit siulersuisunut ilaasortaasimassanngilaq, imaluunniit 	<p>siulersuisuni ilaasortat ileqquumik ataatsimeersuarnermi toqqarneqarsimasut sorliit attuumassuteqarnersut attuumassuteqannginersullu. Siulersuisunut ilaasortanut ileqquumik ataatsimeersuarnermi toqqarneqartunut nutaanut, ukiumoortumik nalunaarutip kingulliup kingorna toqqarneqarsimasunut, paasissutissat taamaattut ilaasortap CV-ani ileqquumik ataatsimeersuarnermut qaaqqusissummut ilaasumi saqqummiunneqartumi ilaassapput.</p>		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
<ul style="list-style-type: none"> • inunut attuumassuteqartunut ilaqttatut qanigisarissanngilai, tak. qulaani tunngavilersuutit. <p>Siulersuisunut ilaasorta qulaani tunngavilersuutinulluunniit ilaangikkaluarpas, siulersuisut tunngaviit allat tunngavigalugit aalajangersinnaavaat ilaasorta attuumassuteqannginngitsoq.</p>			
<p>3.2.2. Ataatsimiititaliap innersuussutigaa, qullersaqarfimmi ilaasortat siulersuisunut ilaasortaassanngitsut, kiisalu qullersaqarfimmut ilaasortatut soraartoq toqqaannartumik siulersuisunut isissanngitsoq.</p>	Aningaaserivimmi qullersaqarfimmi ilaasortat siulersuisunut ilaasortaangillat.		
3.3. Siulersuisunut ilaasortat aamma aqutsisuni atorfiit allat amerlassusaat			
<p>3.3.1. Ataatsimiititaliap innersuussutigaa, siulersuisut kiisalu siulersuisunut ilaasortat ataasiakkaat tamarmik ukiumoortumik naliliinermut atatillugu nalilertassagaat, siulersuisuni sulinermt atatillugu piffissaq qanoq annertutigisoq atortariaqarnersoq, tak. innersuussut 3.5.1. Siunertaavoq, siulersuisuni ilaasortat ataasiakkaat ingerlatseqatigiiffimmi siulersuisutut atorfeqarnermi naammaginartumik naammassinissinnaanissamit atorfinnik amerlanerusunik tigusissanngitsut.</p>	Ukiumoortumik nalilersuisoqartarpoq, kiisalu siulersuisuni sulinermt atatillugu piffissap atorneqartussa qullersaqarfimmi ilaasortatut soraartoq toqqaannartumik siulersuisunut isissanngitsoq.		
<p>3.3.2. Ataatsimiititaliap innersuussutigaa, aqutsisut nalunaarutaat inatsimmi piumasaqaatit aalajangersagaasut saniatigut siulersuisuni ilaasortat ataasiakkaat pillugit paasissutissanik tulliuttunik imaqqasasoq:</p> <ul style="list-style-type: none"> • atorfik, ukiut aamma suaassuseq, • piginnaasat piukkunnaatillu ingerlatseqatigiiffimmut attuumassuteqartut, • attuumassuteqannginneq, • ukioq siulersuisunut ilaasortanngorfik, 	Ukua paasissutissat ukiumoortumik naatsorsuusiummi takuneqarsinnaapput		

Innersuussut	Ingerlatseqatigiiffiup <u>malippaa</u>		Ingerlatseqatigiiffiup <u>nassuiarpaa</u> ¹	
			<i>sooq</i>	<i>Qanoq</i>
<ul style="list-style-type: none"> • ukioq maannakkut qinigaaffiup qaangiuffissaa, • siulersuisuni ataatsimiititalianilu ataatsimiinnermut peqataaneq, • suliffeqarfinni inuussutissarsiornermik ingerlatsisuni allani aqutsisuni atorfiit, aqutsisuni ataatsimiititaliat kiisalu aqqissuussaanermi suliassat piunasaqaateqarfiusut ilanngullugit, aamma • ingerlatseqatigiiffimmi kiisalu ingerlatseqatigiiffiup suliffeqarfissuarmut atasuni ingerlatseqatigiiffinni ilaasortaasup aktiaatit, optionit, warrantsit assigisaallu pigisai, kiisalu ukiup naatsorsuusiorfiusup ingerlanerani pappialani nalilinni taaneqartuni ilaasortap pigisaani allannguutit. 				
3.4. Aqutsisuni ataatsimiititaliat				
<p>3.4.1. Ataatsimiititaliap innersuussutigaa, aqutsisut nalunaarutaanni aqutsisut nassuiassagaat:</p> <ul style="list-style-type: none"> • aqutsisuni ataatsimiititaliani sammisat pingaarnerit kiisalu ukiup ingerlanerani ataatsimiinnerit amerlassusaat, aamma • aqutsisuni ataatsimiititaliani ataasiakkaani ilaasortat, matuma ataani ataatsimiititaliami siulittaasoq ilaasortallu attuumassuteqannginnerat. <p>Tamatuma saniatigut innersuussutigineqarpoq, aqutsisuni ataatsimiititaliat suliassaasa nassuiarneri ingerlatseqatigiiffiup nittartagaani saquqmmiunneqassasut.</p>	Paasissutissat taakku aningaaseriviup aqutsisunut nalunaarutaanni kiisalu aningaaseriviup nittartagaani nassaarineqarsinnaapput.			
<p>3.4.2. Ataatsimiititaliap innersuussutigaa, aqutsisuni ataatsimiititaliat taamaallaat siulersuisuni ilaasortanik ilaasortaqaassasut, kiisalu aqutsisuni</p>	Aningaaserivimmi aqutsisuni ataatsimiititaliat aningaaserivimmi siulersuisuni	Inassuteqartarnermut ataatsimiititaliami kiisalu akissarsiaqartitsineranut	Inassuteqartarnermut ataatsimiititaliap aamma akissarsiaqartitsineranut	

Innersuussut	Ingerlatseqatigiiffiup <u>malippaa</u>		Ingerlatseqatigiiffiup <u>nassuiarppaa</u> ¹			
			<i>sooq</i>	<i>Qanoq</i>		
ataatsimiititaliani attuomassuteqanngitsuussasut.	ilaasortat	amerlanerpaartai	ilaasortanit ilaasortaaffigineqarput.	taamallaat	ataatsimiititaliami amerlanerpaat attuomassuteqanngitsuunngilla t.	ataatsimiititaliap inassuteqaatigisartagai siulersuisunut inassutigineqartarput, siulersuisuni amerlanerpaat attuomassuteqanngitsuupput. Aalajangiiniarneq imaqarniliamut ilanngunneqartarpoq. Nalilerneqarnikuuvoq siulersuisuni siulittaasoq aamma siulittaasup tullia ataatsimiititaliani peqataassasut pingaaruteqartoq.
<p>3.4.3. Ataatsimiititaliap innersuussutigaa, siulersuisut kukkusersuinermit ataatsimiititaliamik pilersitsissasut kiisalu kukkusersuinermit ataatsimiititaliami siulittaasumik, siulersuisuni siulittaasuunngitsumik toqqaassasut. Ataatsimiititaliap innersuussutigaa, kukkusersuinermit ataatsimiititaliap suliassat inatsisini aalajangersarneqartut saniatigut siulersuisunut tulliuuttunik ikiuutaasassasoq:</p> <ul style="list-style-type: none"> • aningaasaqarnikkut paasissutissat saqqummiunneqartut ilumuussusaannik nakkutiginninneq, matuma ataani immikkoortuni pingaaruteqarnerpaani naatsorsuisarnermi suleriaaseq, naatsorsuinermi missingiutit pingaarutillit kiisalu illua-tungiusunut qanigisanut nuussinerit, • illup iluani immikkoortunik nakkutiginninnermik aarlerinaatilinnillu misissuineq, tamatumani qulakkeerniarlugu 			Kukkusersuinermit ataatsimiititaliap suliassat taaneqartut tamaasa eqqortippai. Tamatuma saniatigut aningaaseriviup whistleblower pillugu aaqqissuussinera kukkusersuinermit ataatsimiititaliami siulittaasumut aalajangersarneqarpoq.		Aningaaserivimmi kukkusersuinermit ataatsimiititaliami siulittaasoq siulersuisuni siulittaasuvoq.	Atajuarsinnaanermik tunngavik kiisalu aqutsinermi aaqqissuussinerup ajornaatsup paariinnarnissaanik kissaateqarneq tamatumani pingaartinneqarput.

Innersuussut	Ingerlatseqatigiiffiup <u>malippaa</u>		Ingerlatseqatigiiffiup <u>nassuiarpaa</u> ¹	
			<i>sooq</i>	<i>Qanoq</i>
<p>aarlerinaatit annerpaat aqunneqarnissaat, matuma ataani aamma naatsorsuutitut saqqummiunneqartunut atatillugu,</p> <ul style="list-style-type: none"> • illup iluani kukkunerisuinissamat pisariaqartitsinermik naliliineq, • ileqquusumik ataatsimeersuarnermi kukkunerisuusumik toqqarneqartumik naliliineq, • ileqquusumik ataatsimeersuarnermi kukkunerisuusup toqqarneqartup kukkunerisuinermut akissarsiassaanik misissuineq, • sullissinernik kukkunerisuinermut attuumassuteqanngitsunik killissaannik ileqquusumik ataatsimeersuarnermi kukkunerisuusumit suliarineqartunik nakkutiginninneq, aamma • ileqquusumik ataatsimeersuarnermi kukkunerisuusup toqqarneqarsimasup aamma siulersuisut akornanni akuttunngitsumik oqaloqatigiinnermik qulakkeerinneq, ilaatigut qullersaqarfiup peqataaffiginnigisaanik siulersuisut kiisalu kukkunerisuinermut ataatsimiititaliap minnerpaamik ukiumut ataasiarlutik kukkunerisuusumik ataatsimeeqateqartarnerisigut. <p>Siulersuisut kukkunerisuinermut ataatsimiititaliap inassuteqarnera tunngavigalugu illup iluani kukkunerisuinermik suliaqartussamik pilersitsinissaq aalajangerpassuk, kukkunerisuinermut ataatsimiititaliap suliassaraa:</p> <ul style="list-style-type: none"> • suliassat nassuiarnerannik suliaqarnissaq kiisalu illup iluani kukkunerisuinermik aqutsisumik toqqaanissamat, atorfinitsitsinissamat soraarsitsinissamullu innersuussutit kiisalu immikkoortumut missingersuutit, • illup iluani kukkunerisuusup suliassaminik naammassinninnissamat iluaqtissai piginnaasaalu naammaginarsut pillugit nakkutiginninneq, aamma 				

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarppaa</u> ¹	
		<i>sooq</i>	<i>Qanoq</i>
<ul style="list-style-type: none"> illup iluani kukkuneruisup inerniliinerinik innersuussutaanillu qullersaqarfiup malittareqqiineranik nakkutiginninneq. 			
<p>3.4.4. Ataatsimiititaliap innersuussutigaa, siulersuisut inassuteqartarnermut ataatsimiititaliamik pilersitsissasut, minnerpaamik tulliuttunik piareersaatinik suliaqqartunik:</p> <ul style="list-style-type: none"> siulersuisuni qullersaqarfimmilu atorfimmu piginnaasanik piumasaqaataasunik nassuiaaneq, siulersuisuni atorfinnut assigiinngitsunut piffissap atorseqartussap missingersornera kiisalu aqutsisuni taakkunani marlunni piginnaasat, ilisimasat misilittakkallu pigisat/pigisariaqakkat, siulersuisut qullersaqarfiullu aqqissugaanerani, annertussusaanik, katitigaanerani angusaanillu ukiumoortumik naliliersuineq kiisalu allannguutaasinnaasut pillugit siulersuisunut innersuussutinik suliaqqarneq, siulittaasoq suleqatigalugu siulersuisunik ukiumoortumik naliliinermik kiisalu aqutsisuni ilaasortat ataasiakkaat piginnaasaannik, ilisimasaannik, misilittagaannik tulleriinnerannik naliliinermik suliaqqarneq, taakkulu pillugit siulersuisunut nalunaarusiorneq, siulersuisunut qullersaqarfimmilu ilaasortanik nutaanik sulilersitsiniarnermik kiisalu piukkunnaatilinnik siulersuisut akuersinissaannut inassuteqarnermik suliaqqarneq, qullersaqarfimmu tulleriinnermik pilersaarummik peqarnissaanik qulakkeerinninneq, sulisunik aqutsisunik atorfinitsitsinermut qullersaqarfiup politikianik nakkutiginninneq, aamma 	<p>Inassuteqartarnermut ataatsimiititaliap suliaqqartut qulaani taaneqqartut naammassivai.</p>		

Innersuussut	Ingerlatseqatigiiffiup <u>malippaa</u>		Ingerlatseqatigiiffiup <u>nassuiarpaa</u> ¹	
			<i>sooq</i>	<i>Qanoq</i>
<ul style="list-style-type: none"> • assigiinngisitaarnermut politikkimik siulersuisuni akuersissutigineqartussamik suliaqartoqarnissaanik nakkutiginninneq. 				
<p>3.4.5. Ataatsimiititaliap innersuussutigaa, siulersuisut akissarsisitsisarnermut ataatsimiititaliamik pilersitsissasut, minnerpaamik tulluuttunik piareersaatinik suliaqartunik:</p> <ul style="list-style-type: none"> • akissarsisitsisarnermut politikkimut missingiummik, ileqquusumik ataatsimeersuarnermi akuersissutigineqarnissaanut innersuussutiginnissaa sioqqullugu, siulersuisut akuersissutigisassaannik suliaqarneq, • qullersaqarfimmi ilaasortat akissarsiassai pillugit siulersuisunut saqqummiussassamik siunnersuuteqarneq, • siulersuisunut ilaasortat akissarsiassaat pillugit, ileqquusumik ataatsimeersuarnermi inassutigineqartussatut saqqummiussassamik siunnersuuteqarneq, • aqutsisut akissarsiai ingerlatseqatigiiffiup akissarsisitsisarnermut politikianik eqquutsitsinersut qulakkeerinninneq aamma ataasiakkaat sulinerannik naliliineq, aamma • ukiumoortumik akissarsisitsisarneq pillugu nalunaarusiamik ileqquusumik ataatsimeersuarnermi taasisutigineqarnissaanut inassuteqarnissamut sioqqullugu siulersuisut akuerisassaannik suliaqarnermi ikiuutaaneq. 	<p>Akissarsisitsisarnermik ataatsimiititaliap suliaqsat taaneqartut tamaasa naammassivai.</p>			
3.5. Siulersuisunik qullersaqarfimmillu naliliineq				
<p>3.5.1. Ataatsimiititaliap innersuussutigaa, siulersuisut ukiumoortumik siulersuisunik naliliinermik naammassinnittassasut, minnerpaamillu ukiut pingasukkaarlugit naliliinermi avataanit ikiortimik peqataatitsissasasut. Ataatsimiititaliap innersuussutigaa, naliliinermi</p>	<p>Ukiumoortumik siulersuisut piginnaasaat, inuttut ataasiakkaatut ataatsimullu nalilerneqartarput. Tamatuma saniatigut ukiut tamaasa</p>			

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
<p>siulersuisut sulinerat, naammassisaqassusaat, katitiganerat aaqqissugaanerallu pillugit innersuussutit ukkatarineqartassasut, tak. Innersuussutit qulaaniittut 3.1.-3.4., minnerpaamillu sammisat tulliuuttut imarisuaannassagai:</p> <ul style="list-style-type: none"> • siulersuisut katitigaanerat, piginnaasat assigiinngisitaarnerlu ukkataralugit, • siulersuisut ilaasortallu ataasiakkaat tapiineri angusaallu, • siulersuisuni suleqatigiinneq kiisalu siulersuisut qullersaqarfiullu akornanni suleqatigiinneq, • siulittaasup siulersuisuni aqutsinera, • ataatsimiititaliat aaqqissugaanerat aamma ataatsimiititaliani sulineq, • siulersuisuni sulinerup aaqqissugaanera kiisalu siulersuisuni atortussat pitsaassusaat, aamma • siulersuisuni ilaasortat ataatsimiinnernut piareersartarnerat kiisalu ataatsimiinnernut peqataasarnerat. 	<p>siulersuisunut oqaaseqaammik saqqummiussisoqartarpoq, tassani siulersuisut sulinerisa annertussusaat nassuiarneqartarluni. Minnerpaamik ukiut pingasukkaarlugit naliliinermi avataanit ikiortimik peqataatitsisoqartarpoq.</p>		
<p>3.5.2. Ataatsimiititaliap innersuussutigaa, siulersuisut tamarmiusut siulersuisunik naliliinerup inernerinik oqallisiginnissasut, aamma naliliinerup ingerlanera kiisalu naliliinermi inerniliinerit pingaarnernerit aqutsisut nalunaarutaanni eqqartorneqassasut, ingerlatseqatigiiffiup nittartagaani kiisalu ingerlatseqatigiiffiup ileqquusumik ataatsimeersuarnerani.</p>	<p>Siulersuisunik naliliinermi inernerusoq aningaaserivimmi aqutsisut nalunaarutaanni ersippoq.</p>		
<p>3.5.3. Ataatsimiititaliap innersuussutigaa, siulersuisut minnerpaamik ukiumut ataasiarlutik, tunngaviit aalajangeriikkat malillugit qullersaqarfiup sulineranik angusaanillu naliliisassasut, kiisalu siulittaasup taakku qullersaqarfik peqatigalugu misissortassagai. Ilanngullugu siulersuisut ingerlaavartumik nalilersortassavaat qullersaqarfiup aaqqissuusaaanerani katitigaanerani</p>	<p>Qullersaqarfiup sulinera ukiumoortumik nalilersorneqartarpoq.</p>		

Innersuussut	Ingerlatseqatigiiffiup <u>malippaa</u>	Ingerlatseqatigiiffiup <u>nassuiarpaa</u> ¹	
		<i>sooq</i>	<i>Qanoq</i>
allannguisoqarnissaanut pisariaqartitsisoqarnersoq, matuma ataani assigiinngisitaarneq, tulleriinnermut pilersaarutit kiisalu aarlerinaatit ingerlatseqatigiiffiup periusissiaa eqqarsaatigalugit.			
4. Aqutsisut akissarsiaat			
4.1. Siulersuisunut qullersaqarfimmullu akissarsiarititat			
4.1.1. Ataatsimiititaliap innersuussutigaa , siulersuisut qullersaqarfiup akissarsiai kiisalu atorfininnermi atugassarititaasut allat unammillersinnaassuseqassasut aamma ingerlatseqatigiiffiup siunissaq ungasinnerusoq eqqarsaatigalugu aktiaatillit soqutigisaannut atassuserneqarsinnaassasut.	Aningaaseriviup akissarsitsisarneq pillugu politikkaa unammillersinnaassuseqartoq kiisalu siunissaq ungasinnerusoq eqqarsaatigalugu aktiaatillit soqutigisaannut tapersersuisoq nalilerneqarpoq.		
4.1.2. Ataatsimiititaliap innersuussutigaa , suliniutit pilersaarutaasut aktianik tunngaveqartut nusussissutaaqqissinnaassasut, t.i. piffissakkaartumik tunniussiffiusarlutik, pingaartumillu siunissaq ungasinnerusoq eqqarsaatigalugu minnerpaamik ukiuni pingasuni katersuisinnaaffiullutik ineriartorsinnaallutillu.	Nalilerneqarpoq, aningaaseriviup akissarsitsisarneq pillugu aaqqissuussineri aningaaserinermik suliffeqarfinnut malittarisassanik atuuttunik eqqortitsisoq.		
4.1.3. Ataatsimiititaliap innersuussutigaa , akissarsiat nikerartut piffissami tunniussinermi killeqartinneqassasut, kiisalu piffissami atuiffiusumi pisinnaasut pitsaanngitsut, naatsorsuutigisat kiisalu pitsaasut ataanni naliusinnaasoq pillugu erseqqarittoqassasoq.	Nalilerneqarpoq, aningaaseriviup akissarsitsisarneq pillugu aaqqiisutai ersarissuusut		

Innersuussut	Ingerlatseqatigiiffiup <u>malippaa</u>		Ingerlatseqatigiiffiup <u>nassuiarpaa</u> ¹	
			<i>sooq</i>	<i>Qanoq</i>
	tungavilersorluakkamillu nassuiagaallutik.			
<p>4.1.4. Ataatsimiititaliap innersuussutigaa, qullersaqarfimmi ilaasortap soraarnerani piffissami soraarfimmi akissarsiat katillugit nalingat, soraarnermi pissarsiasat ilanngullugit, ukiuni marlunni akissarsiat, akissarsiani immikkoortut tamaasa ilanngullugit qaangissanngikkai.</p>		<p>Innersuussutip soraarsitsinermut kalerriinerup ilanngunneqarluni allanngortinneqarnera sioqqullugu pisortaq isumaqatigiissuteqarfigineqarni kuuvoq.</p>	<p>Atorfeqarnerup naanerani pisortaq soraarpat, soraarnermi pissarsiasat annertunerpaamik qaammatini 13,25-ni akissarsiat annertussuserissavaat. Pisortaq siusinnerusukkut soraarpat, soraarnermi pissarsiasat qaammatini 0-24-ni akissarsiaasinnaapput, tamatumanilu qamamatini 12-ini soraarsitsinermi kalerriisoqareerluni, taamaattumik aningaaseriviup pisut ilaanni maannakkut innersuussutaasoq malissanngilaa.</p>	
<p>4.1.5. Ataatsimiititaliap innersuussutigaa, siulersuisunut ilaasortat aktianik piseqqaartussaataitanernik aktiaseqqaartussaataitanernillu akilerneqassanngitsut.</p>	Siulersuisuni ilaasortat aalajangersimasumik akissarsiaqartinneqarput.			
<p>4.1.6. Ataatsimiititaliap innersuussutigaa, ingerlatseqatigiiffik periarfissaqassasoq qullersaqarfimmut aamma siulersuisunut akissarsiat nikerartut tamakkiisumik imaluunniit ilaannakortumik uterteqqunissaanut, akissarsiat paasissutissat, kingornatigut kukkusutut paasineqartut tungavigalugit tunniunneqarsimasut, katersorneqarsimasut imaluunniit akilerneqarsimasut, imaluunniit tiguisoq pissutsit allat, akissarsianik nikerartunik amerlavallaanik</p>	Nalilerneqarpoq, aningaaseriviup akissarsisitsisarneq pillugu aaqquissuuseri aningaaserinermik suliffeqarfinnut			

Innersuussut	Ingerlatseqatigiiffiup <u>malippaa</u>		Ingerlatseqatigiiffiup <u>nassuiarpaa</u> ¹	
			<i>sooq</i>	<i>Qanoq</i>
tunniussinermik kinguneqarsimasumik eqqunngitsumik ilisimasaqarsimappat.	malittarisassanik	atuuttunik eqqortitsisoq.		
5. Aarlerinaatinik aqutsineq				
5.1. Aarlerinaatinik paasinnineq aamma paasissutissat allat attuumassuteqartut pillugit ammasuuneq				
5.1.1. Ataatsimiititaliap innersuussutigaa , siulersuisut ingerlatseqatigiiffiup periusissiaa aamma niuernermit ilusiliaa aallaavigalugu aarlerinaatit assersuutigalugu pilersaarusiornermut, niuernermut, naatsorsuuserinermit aamma aningaasaateqarnermut tunngasut pillugit isummertassasut. Ingerlatseqatigiiffiup aqutsisut nalunaarutaanni tamakku kiisalu ingerlatseqatigiiffiup aarlerinaatinik aqutsineq nassuiartariaqarpai.	Siulersuisut	ukiut tamaasa aningsaaserivimmi aarlerinaatit tamaasa kiisalu immikkoortuni ataasiakkaat pingaarutillit nalilertarpaat. Taakku pillugit aningsaaseriviup ukiumoortumik naatsorsuutaani nassuiaasoqarpoq.		
5.1.2. Ataatsimiititaliap innersuussutigaa , siulersuisut whistleblower pillugu aaqqiisummik pilersitsissasut, sulisunut allanullu soqutigisalinnut unioqqutitsinerit ilungersunartunik imaluunniit unioqqutitsinerit pasillernermit tulluurtumik isertortumillu nalunaaruteqarnissamut periarfissiisumik, kiisalu whistleblower pillugu sulianik taama ittunik isumaginninnissamut suleriaatsimik pilersitsissasut.	Aningsaaserivik	whistleblower pillugu aaqqiisummik pilersitsinikuuvoq, tassani sulisut unioqqutitsinerit ilungersunartut imaluunniit pasitsaassaqarneq pillugu nalunaaruteqarnissamut periarfissaqarput.		

UN Global Compact malittarisassallu allat pillugit nassuiaat

Innersuussut	Ingerlatseqatigiiffiup malippaa	Ingerlatseqatigiiffiup malinngilaa	Innersuussut ingerlatseqatigiiffiup malippaa /malinngilaa tullittooq tunngavigalugu:
UN Global Compact ileqqorissaarnermut 10-nik tunngaveqarpoq	X		2013-imi GrønlandsBANKEN UN Global Compact-imut ilannguppoq. Ukiut tamaasa ukiup aallartinnerani aningaaseriviup nittartagaani nalunaarusiamik saqqummiisoqartarpoq.
Finansråd-ip aqutsinermut malittarisassai	X		Finansråd-ip aqutsinermut malittarisassaanut atatillugu immikkut nalunaarusiortoqartarlunilu saqqummiussisoqartarpoq.
Aktivimik piginnittuunermut innersuussutit		X	Siulersuisut Aktivimik piginnittuunermut innersuussutinut pitsaasumik isummerput kisiannili nalilerlugu maannakkuugallartoq taakku GrønlandsBANKEN-imut attuumassuteqanngitsutut, tassani aningaaserivik børsimi nalunaarsugaasunik aktianik pigisaqannginnera, soorlu GrønlandsBANKEN aningaasanik ingerlatsisutut immikkut ittumik sullitanut isumaqatigiissuteqanngimmat, aningaaserivik aktivimik piginnittuunermik suliaqassasoq, assersuutigalugu børsimi nalunaarsugaasunik aktianik aningaasaliinernut atatillugu taasisinnaatitaanermik atuinikkut.